



Inatsisartunut ilaasortaq  
Bentiarq Ottosen, Atassut  
/Maani

**Piujuartitsinnermut nuukkiartornermi, eqqagassalerinnermi iliuusissanut pilersaarut aamma Parisimi isumaqatigiissut pillugit § 37 naapertorlugu apeq-quteqaammut nr. 148-2023-mut akissut**

Asasara Bentiarq Ottosen

Inatsisartut suleriaasianni § 37 imm. 1 naapertorlugu eqqagassanut iliuusissanut pilersaarut pillugu apeqqutinik Naalakkersuisunut saqqummiussaqrputit. Apeq-qutitit uannut akisassanngorlugit innersuunneqrput.

**1. Piujuartitsinissamik Naalakkersuisut suliaqarnerat pillugu pilersaarutit sumut killippa?**

**Akissut:**

Naalakkersuisut pisortat pilersuineranni ataavartumik nukissiuuteqarnerup annertusarneratigut nukissiornermut suliassaqrarfimmi piujuartitsinissamu-t nuukkiartorneq sulissutigaa.

Tassani pingaartumik Qasigiannuani Aasiannilu pilersuinnermut erngup nukinganik innaallagissiorfiliorneq kiisalu Nuummi pilersuinnermut Utoqqarmiut Kangerluarsunnguanni Erngup nukinganik innaallagissiorfiup allilerneqarnera, mingutsitsinngitsumut nuukkiartornermut annertoorujussuarmik tapersii-sussaapput, takuuk *Nuup kiisalu Qasigiannugit Aasiaallu pilersorneqarnerannut erngup nukinganik nukissiorfinnik taakkunungalu atatillugu atortunik sanaartornermut, aningaasalersuinnermut ingerlatsinermullu killiliussatut atugas-sarititaasut pillugit Inatsisartut inatsisaat, nr. 22 ulloq 1. december 2021-meersoq*

Peqatigisaanik Tasiilami pilersuinnermut erngup nukinganik pisinnaasaqrarnerup annertunerulersinnissaa Naalakkersuisut sulissutigaa.

Naalakkersuisut aamma atuisartuni mingutsitsinngitsumut nuukkiar-tortitsinissaq sulissutigaa, tassani Naalakkersuit nammineq nukissiuutinik, soorlu assersuutigalugu seqernup qinngornerinik tigooqqaassutinik, ikkussuinissamut iliuusissanut pilersaarummik suliaqaleruttorput, takuuk UKA2021/88. Tassunga tunngatillugu nammineq nukissiuutinut tapersiisarnermut aaqqissuussinermi mingutsitsinngitsumut nuukkiartortitsineq siuarsarneqarsinnaanersoq, misissor-neqartussaavoq.

Allakkat ulluat: 30-10-2023

Suliap nr.: 2023 - 6746

Akt-id: 23517132

Postboks 1614

3900 Nuuk

Tlf. (+299) 34 50 00

Fax (+299) 34 54 10

E-mail: pan@nanoq.gl

www.naalakkersuisut.gl

Aammattaq inoqarfinni minnerusuni dieselimik atuinerup ilaata ataavartumik nukissiamik taarserneqarnissaa Nukissiorfiit sulissutigaa. Tamanna seqernup qinngornerinik tigooqqaassutinik ikkussuinikkut aammalu misileraalluni anorip nukinganik misileraanikkut pissaaq.

## **2. Eqqaavissuaqarnermut pilersaarut iliuusissatullu pilersaarut biilinit hybrid/innaallagiartortunut tunngasut suut Naalackersuisut pilersaarutitut isigai?**

### **Akissut:**

Kommunit eqqagassalerinermut akisussaasuupput. Taamaalillutik aamma kommunit biilit hybridit/innaallagiartortut avatangiisinut isumannaatsumik iginneqartarnissaannut akisussaasuupput.

Nunarput tamakkerlugu eqqakkanik tigooqqaasarfinnik pilersitsisoqassasoq, Naalackersuisut 2020-2031-mut eqqagassanut iliuusissanut pilersaarutaanni anguniakkat ilaanni 4-mi aalajangersarneqarpoq.

## **3. Siunissaq ungasinnerusooq isigalugu Naalackersuisut pilersaaruteqarpat Paris aftalemum ilanngunnissamut periusissiaq qanoq isikkoqarnissaanut?**

### **Akissut:**

UKA2023-mi *Paris-imi isumaqatigiissummut Kalaallit Nunaata nunamut nangaassuteqarnera atorunnaarsinneqassasoq aammalu Naalagaaffiit Peqatigiit Silap pissusia pillugu nunani tamalaani isumaqatigiissutaannut, UNFCCC-imut, nalunaarutigineqassasoq, danskit naalackersuisuinut nalunaarutigeqqullugu Naalackersuisut peqquneqarnissaat pillugu Inatsisartut aalajangiiffigisassaattut siunnersuut (UKA2023/60) Inatsisartut aappassaanneertussaavaat.*

Tamanna apeqquataatinnagu Kalaallit Nunaannut nunami namminermi silap pissusaanut periusissiamik suliaqarnissaaq Naalackersuisut naatsorsuutigaa. Silap pissusaanut periusissiami mingutsitsinngitsumut nuukkiartortitsinermut sammi-vissaliisoqassaaq, peqatigisaanillu Kalaallit Nunaanni aningaasaqarnikkut siuariartortitsinerup ingerlaannarnissaa qulakkiissallutigu.

Inatsisartut Parisimi isumaqatigiissutip ilaaffigilernissaanut Naalackersuisunut piginnaatitaaffiliissappata, nunami namminermi silap pissusaanut anguniagassat suut (NDC), Kalaallit Nunaata Parisimi isumaqatigiissutip ataani aalajangersassallugit aalajangiutissanerai, silap pissusaanut periusissiaq aamma tunngavissaliisinnaassaaq.


Silap pissusaanut periusissiaq innuttaasut, suliffeqarfiit kommunillu qanimut suleqatigalugit ineriartortinneqassaaq. Aatsitassanut, aalisarnermut takornariartitsinermullu suliaasaqarfiup iluani ingerlatseqatigiiffiit piujuartitsisumik tunisassiorsinnaanissamut periarfissanik ujartuupput. Tassani silap pissusaanut

periusissiaq inuussutissarsiortunut piujuartitsiviusumik ineriartortitsinissamut tunngavissaliisinnaavoq.

Inussiarnersumik inuulluaqqusillunga



Kalistat Lund  
Nunalerinermut, Imminut Pilersornermut, Nukissiutinut Avatangiisinullu  
Naalakkersuisoq



16. oktober 2023

Inatsisartut Suleriaasianni § 37 imm. 1 naapertorlugu Naalackersuisunut apeqqut imaattoq matumuuna saqqummiuppara.

**Naalackersuisunut apeqqut:**

- 1. Qorsuunerulernissamik Naalackersuisut suliaqarnerat pillugu pilersaarutit sumut killippa?**
- 2. Eqqaavissuaqarnermut pilersaarut iliuusissatullu pilersaarut biilnut hybrid/innaallagiartortunut tunngasut suut Naalackersuisut pilersaarutit isigai?**
- 3. Siunissaq ungasinnerusoq isigalugu Naalackersuisut pilersaaruteqarpat Paris aftalemut ilanngunnissamut periusissiaq qanoq isikkoqarnissanut?**

(Inatsisartunut Ilaasortaq Bentiarq Ottosen, Atassut)

### **Tunngavilersuut**

Naalackersuisut qorsuunerulernissamut siunnerfeqarnertik oqariartuutigeqattaarpat, tamanna paaserusunnarsivoq qanoq isikkoqartumik Naalackersuisut pilersaaruteqarnersut. Tassunga tunngatillugu ernumanartortaartoq isumaqarpunga, siunissami aningaasartuuteqarnerussanersugut imaluuniit Naalackersuisut isaaniit aningaasartuutikinnerulissanersugut apeqqusernarsimmat.

Naalackersuisut pilersaarummut tunngatillugu oqariartuutigisaat itinerusumik paaserusunnarpoq, tassani pineqartut eqqarsaatigalugit Kalaallit Nunaat suli angummassinnaanngimmat eqqagassalerineq eqqarsaatigalugu, tamakku qularnaarneqarnissaa pillugu paasissutissanik annerusumik piumasaqarnerput ersersinniarneqarmat. Saniatigullu Kalaallit Nunaat Paris Aftalemut ilanngunnissaa paaserusunnarpoq uani eqqarsaatigineqarput nunat pissaanilissuit/nunat atugarissaartutut taajorneqartut misilittakkat aqqutigalugit nunat ineriartortutut taajorneqartut atornerlullugit aningaasaliiffigisarmassuk, tamakku paaserusunnarput qanoq annertutigisumik Kalaallit Nunaat tatisimaneqaatissaanik Naalackersuisut suliaqarniarnersut.

Ullut suliffiusut qulit iluanni apeqqutima akineqarnissaat piumasaraara.